


神訓必讀  
 敬惜字紙  
 戒食牛肉

風陵文庫  
 文庫19  
 F278



光緒庚寅年

# 重刻四聖寶訓

冀州恩閣寇文琳重刻板存鄭口  
廣興義願印施者備紙取板刷印

## 重刻神訓必讀自敘

人性有善而無惡。人情好善而惡惡。天道福善而禍惡。國法彰善而懲惡。修善不因果報。作惡只緣貪鄙。惡去務盡善行。須力居富貴。有富貴應行之善。處貧賤有貧賤能行之善。善之大者當行。善之小者亦當行。善之難者當勉力而行。善之易者更當慎重而行。予幼

讀儒書。壯理家政。半生碌碌。虛度耳順之期。  
年力衰殘。舍事盡推於少輩。回憶往昔。再思  
將來。神惕志悚。甚愧省察不早。適有益友之  
子。楊雲路者。過舍。談及近來勸善諸書。集者  
夥矣。求其一見。豁然真能惺迷者。似不多得。  
予欲另集一冊。如且見太陽萬壑。頓開人皆  
顯見者。方稱善本。口贈聖訓。偶得玉歷鈔傳。

神訓必讀。二書捧讀之下。俗妄頓消。善結於  
心。不忍獨受其福報。隨邀知己者。同出資付  
梓。重刻刷印。施及四方仁人。如有德厚善士。  
每晨虔心誦讀。滅無量罪過。獲最勝福田。斯  
即予之所厚望也。惟願得此訓者。珍之重之。  
敬之。信之。幸勿塵封。褻瀆。致取於咎也。

目錄

太上感應篇

闕聖帝君覺世經

文昌帝君陰騭文

玄天上帝金科玉律

附勸戒食牛犬文

直隸冀州恩開鎮寇文琳沐手敬敘

讀法

太上真人曰

太上垂訓 感應之篇 日誦一遍

滅罪消愆 受持一月 福祿彌堅

行之一年 七祖昇天 久行不怠

壽命長綿 天神恭敬 名列諸仙

今勸世人每日清晨淨面漱口虔心持

誦

玉皇大天尊玄穹高上帝

等聲赴感太乙救苦天尊

九天應元雷聲普化天尊

玉虛師相元天上帝金闕化身天尊四位

聖號誦太上感應篇一遍以消罪愆

以虔誠自然福祿無量子孫榮昌矣

太上感應篇

太上曰禍福無門惟人自召善惡之報如影隨形是以天地有司過之神依人所犯輕重以奪人算算減則貧耗多逢憂患人皆惡之刑禍隨之吉慶避之惡星災之算盡則死又有三台北斗神君在人頭上錄人罪惡奪其紀算又有三尸

神在人身中。每到庚申日。輒上詣天曹。言人罪過。月晦之日。竈神亦然。凡人有過大則奪紀。小則奪算。其過大小。有數百事。欲求長生者。先須避之。是道則進。非道則退。不履邪徑。不欺暗室。積德累功。慈心於物。忠孝友悌。正己化人。矜孤恤寡。敬老懷幼。昆蟲草木。猶不可傷。宜

憫人之凶。樂人之善。濟人之急。救人之危。見人之得。如己之得。見人之失。如己之失。不彰人短。不衒己長。遏惡揚善。推多取少。受辱不怨。受寵若驚。施恩不求報。與人不自悔。所謂善人人皆敬之。天道佑之。福祿隨之。眾邪遠之。神靈衛之。所作必成。神仙可冀。欲求天仙者。當立

一千三百善。欲求地仙者。當立三百善。苟或非義而動。背理而行。以惡為能。忍作殘害。陰賊良善。暗侮君親。慢其先生。叛其所事。誣諸無識。謗諸同學。虛誣詐偽。攻訐宗親。剛強不仁。很戾自用。是非不當。向背乖宜。虐下取功。諂上希旨。受恩不感。忿怨不休。輕蔑天民。慢亂國政。

賞及非義。刑及無辜。殺人取財。傾人取位。誅降戮服。貶正排賢。凌孤逼寡。棄法受賂。以直為曲。以曲為直。入輕為重。見殺加怒。知過不改。知善不為。自罪引他。壅塞方術。訕謗聖賢。侵凌道德。射飛逐走。發蟄驚棲。填穴覆巢。傷胎破卵。願人有失。毀人成功。危人自安。滅人自益。以

惡易好。以私廢公。竊人之能。蔽人之善。  
形人之醜。訐人之私。耗人貨財。離人骨肉。  
侵人所愛。助人為非。逞志作威。辱人求勝。  
敗人苗稼。破人婚姻。苟富而驕。苟免無恥。  
認恩推過。嫁禍賣惡。沽買虛譽。包貯險心。  
挫人所長。護己所短。乘威迫脅。縱暴殺傷。  
無故剪裁。非禮烹宰。散棄

五穀。勞擾眾生。破人之家。取其財寶。決水放火。以害民居。紊亂規模。以敗人功。  
損人器物。以窮人用。見他榮貴。願他流貶。  
見他富有。願他破散。見他色美。起心私之。  
負他貨財。願他身死。于求不遂。便生兇恨。  
見他失便。便說他過。見他體相不具。而笑之。  
見他能可稱。而抑之。埋蟲



厭人。用藥殺樹。恚怒師傅。抵觸父兄。強  
取強求。好侵好奪。擄掠致富。巧詐求遷。  
賞罰不平。逸樂過節。苛虐其下。悲赫於  
他。怨天尤人。訶風罵雨。鬪合爭訟。妄逐  
朋黨。用妻妾語。違父母訓。得新忘故。口  
是心非。貪冒於財。欺罔其上。造作惡語。  
讒毀平人。毀人稱直。罵神稱正。棄順效

逆背親。向踈指天地。以證鄙懷。引神明  
而鑒猥事。施與後悔。假借不還。分外營  
求。口上施設。淫慾過度。心毒貌慈。穢食  
饒人。左道惑眾。短尺狹度。輕秤小升。以  
爲雜真。採取姦利。壓良爲賤。謾罵愚人。  
貪婪無厭。咒詛求直。嗜酒悖亂。骨肉忿  
爭。男不忠良。女不柔順。不和其室。不敬

其夫每好矜誇。常行如忌。無行於妻子。失禮於舅姑。輕慢先靈。違逆上命。作為無益。懷挾外心。自咒咒他。偏憎偏愛。越井越竈。跳食跳人。損子墮胎。行多隱僻。晦臘歌舞。朔旦號怒。對北涕唾。及溺。對竈吟咏。及哭。又以竈火燒香。穢柴作食。夜起裸露。八節行刑。唾流星。指虹霓。轉

指三光。久視日月。春月燎獵。對北惡罵。無故殺龜打蛇。如是等罪。司命隨其輕重。奪其紀算。算盡則死。死有餘責。乃殃及子孫。又取非義之財者。乃計其妻子家口。以當之。漸至死喪。若不死喪。則有水火盜賊。遺亡器物。疾病口舌諸事。以當妄取之直。又枉殺人者。是易刀兵而

相殺也。諸橫取人財者。譬如漏脯救饑。鴆酒止渴。非不暫飽。死亦及之。夫心起於善。善雖未為。而吉神已隨之。或心起於惡。惡雖未為。而凶神已隨之。其有曾行惡事。後自改悔。諸惡莫作。眾善奉行。久久必獲吉慶。所謂轉禍為福也。故吉人。語善。視善。行善。一日有三善。三年天

必降之福。凶人語惡。視惡。行惡。一日有三惡。三年天必降之禍。胡不勉而行之。  
音釋

耗音好 錄音六 詰音義 銜音絲 遇音惡

誑音光去 訐音結 賂音路 訕音故 螫音執

填音田 醜音丑 貯音主 挫音錯 脅音血

紊音問 貶音匾 蠱音古 厭音掩 恚音惠

訶音阿猥音委餒音畏詛音祖穢音畏  
 唾拖去聲裸羅上聲虹音紅霓音宜燎音料  
 脯音府鳩音沈

關聖帝君覺世經

人生在世。貴盡忠孝節義等事。方於人  
 道無虧。可立身於天地之間。若不盡忠  
 孝節義等事。身雖在世。其心已死。是謂  
 偷生。凡人心即神。神即心。無愧心。無愧  
 神。若是欺心。便是欺神。故君子三畏四  
 知。以慎其獨。勿謂暗室可欺。屋漏可愧。

一動一靜。神明鑒察。十目十手。理所必至。况報應昭昭。不爽毫髮。潘爲萬惡首。孝爲百行原。但有逆理於心。有愧者。勿謂有利而行之。凡有合理於心。無愧者。勿謂無利而不行。若負吾教。請試吾刀。敬天地。禮神明。奉祖先。孝雙親。守王法。重師尊。愛兄弟。信朋友。睦宗祖。和鄉鄰。

別夫婦。教子孫。時行方便。廣積陰功。救難濟急。恤孤憐貧。創修廟宇。印造經文。捨藥施茶。戒殺放生。造橋修路。矜寡拔困。重粟惜福。排難解紛。捐貲成美。垂訓教人。寬讐解釋。斗秤公平。親近有德。遠避凶人。隱惡揚善。利物救民。回心向道。改過自新。滿腔仁慈。惡念不存。一切善

事。信心奉行。人雖不見。神已早聞。加福增壽。添子益孫。災消病滅。禍患不侵。人物咸寧。吉星照臨。若存惡心。不行善事。淫人妻女。破人婚姻。壞人名節。妬人技能。謀人財產。唆人爭訟。損人利己。肥家潤身。恨天怨地。罵雨呵風。謗聖毀賢。滅像欺神。宰殺牛犬。穢溺字紙。恃勢辱善。

倚富壓貧。離人骨肉。間人兄弟。不信正道。姦盜邪淫。好尚奢詐。不重儉勤。輕棄五穀。不報有恩。瞞心昧己。大斗小秤。假立邪教。引誘愚人。託說昇天。歛物行淫。明瞞暗騙。橫言曲語。白日咒詛。背地謀害。不存天理。不順人心。不信報應。引人作惡。不修片善。行諸惡事。官司口舌。水

火盜賊惡毒瘟疫。生敗產蠹殺身亡家。  
男盜女淫。近報在身。遠報子孫。神明鑒  
察。毫髮不紊。善惡兩途。禍福攸分。行善  
福報。作惡禍臨。我作斯語。願人奉行。言  
雖淺近。大益身心。戲侮吾言。斬首分形。  
有能持誦。消災聚慶。求子得子。求壽得  
壽。富貴功名。皆能有成。凡有所求。如意

而獲萬禍雪消。千祥雲集。諸如此福。惟  
善可致。吾本無私。惟佑善人。眾善奉行。  
毋怠厥志。

文昌帝君陰騭文

帝君曰。吾一十七世。爲士大夫身。未嘗虐  
民酷吏。救人之難。濟人之急。憫人之孤。  
容人之過。廣行陰騭。上格蒼穹。人能如

我存心。天必錫汝以福。於是訓於人曰。昔于公治獄。大興駟馬之門。竇氏濟人。高折五枝之桂。救蟻中狀元之選。埋蛇享宰相之榮。欲廣福田。須憑心地。行時時之方便。作種種之陰功。利物利人。修善修福。正直代天行化。慈祥爲國救民。忠主孝親。敬兄信友。或奉真朝斗。或拜

佛念經。報答四恩。廣行三教。濟急如濟涸。轍之魚。救危如救密羅之雀。矜孤恤寡。敬老憐貧。措衣食。周道路之饑寒。施棺槨。免屍骸之暴露。家富提携親戚。歲饑賑濟鄰朋。斗秤須要公平。不可輕出重入。奴僕待之寬恕。豈宜備責苛求。印造經文。創修寺院。捨藥材以拯疾苦。施



茶水以解渴煩。或買物而放生。或持齋而戒殺。舉步常看蟲蟻。禁火莫燒山林。點夜燈以照人行。造河船以濟人渡。勿登山而網禽鳥。而臨水而毒魚蝦。勿宰耕牛。勿棄字紙。勿謀人之財產。勿妒人之技能。勿淫人之妻女。勿唆人之爭訟。勿壞人之名利。勿破人之婚姻。勿因私

讐使人兄弟不和。勿因小利使人父子不睦。勿倚權勢而辱善良。勿恃富豪而欺窮困。善人則親近之。助德行於身心。惡人則遠避之。杜灾殃於眉睫。常須隱惡揚善。不可口是心非。剪礙道之荆棘。除當途之瓦石。修數百年崎嶇之路。造千萬人來往之橋。垂訓以格人非。捐貲

以成人美。作事須循天理。出言要順人  
心。見先哲於羹牆。慎獨知於衾影。諸惡  
莫作。衆善奉行。永無惡曜加臨。常有吉  
神擁護。近報則在自己。遠報則在兒孫。  
百福駢臻。千祥雲集。豈不從陰騭中得  
來者哉。

元天上帝金科玉律

吾號治世福神	鎮北天大將軍
遊巡諸天諸地	掌握世界乾坤
扶助末劫天道	護佑國王大臣
不忍五濁惡世	衆生受苦遭辛
旱澇饑饉疾疫	水火劫盜刀兵
天下江南江北	朝病暮死七分

吾向三元八節 三會五臘生辰  
斗降七齋三七 本命甲子庚申  
臘月二十五日 親隨玉帝降臨  
統率千真萬聖 檢察下界人民  
紀錄作善作惡 較量罪福重輕  
輕則減死一半 重則死絕滅門  
善者得見天日 惡者不見太平

信者得度末劫 不信喪命亡魂  
檢舉不忠不孝 抄錄無義無仁  
窮不安分守己 富不念老憐貧  
輕重長短秤尺 大小斛石斗升  
買賣欺瞞良善 交關舉用不平  
使盡機關腸肚 惡心害眾欺羣  
合舌惡口鬪亂 教唆州縣鄉村

恣意慳貪嫉妬  
不識善惡因果  
強梁不得老死  
故遣天符抄錄  
肚痛赤眼瀉痢  
咽喉急風唾毒  
打算未盡劫數

是非人我爭瞋  
不畏天地神明  
結冤促壽除齡  
疥癬麻痘災瘟  
惡瘡濃血滴淋  
寒熱咳嗽呻吟  
十磨九難不輕

天遣帝王治世  
似吾當初學道  
治盡不平等輩  
奉勸世人敬信  
不可聽聞藐藐  
漸見太平年到  
自此風調雨順

滅除惡黨紛紛  
直磨鐵杵成鍼  
方始大地成金  
聽吾指說叮嚀  
各依戒律諄諄  
上元甲子當旬  
田蠶五穀豐登

天下太平樂業	人民歌咏歡忻
到此人身難得	各宜修省思尋
更有泰山東嶽	速報立報司存
莫道造惡不報	直待惡貫滿盈
莫道修善無應	直待善果圓成
若有人間私語	天上聽若雷霆
不可欺心暗室	神目如電光閃

陰陽誤喪人命	修犯地曜天星
醫藥誤喪人命	方脉指下不明
僧道師人積罪	貪求施利食葷
善信誦經有罪	差訛字句不真
溺死兒女有罪	千生萬劫冤親
切戒殺食物命	放火燒害山林
積累無邊罪孽	冤冤報屈難伸

切莫殺食牛犬 免墮萬劫沉淪  
萬惡何者爲首 切勿犯姦行淫  
愛惜一切字紙 遇諸水火漂焚  
帝德好生惡殺 簿書日夜具呈  
陽有陽間罪孽 陰有陰司典刑  
請看冥司錄載 太上感應篇云  
造作善善惡惡 報應如影隨形

一勸敬重天地 心香一炷晨昏  
二勸孝養父母 堂前生佛二尊  
三勸皈依三寶 儒釋道教同倫  
四勸人生大體 報答四重深恩  
五勸善男信女 持齋念佛看經  
六勸州縣官吏 治民如水之清  
七勸救濟孤殍 四生六道苦輪

八勸富家佈施 架橋砌路修因  
九勸九流技藝 三六九字同論  
十勸廣積陰德 福及子子孫孫  
但存方寸心地 留與後代耕耘  
所作總依本分 與人方便樸淳  
若以遞相傳寫 吾當護汝於陰  
家有一本供奉 全家老少安寧

身有一本佩帶 免遭一切災迤  
若寫五本奉勸 壽增半紀餘齡  
若寫十本奉勸 一紀壽算增新  
印施百千萬本 名同佑聖真君  
當境城隍里社 歡喜保舉奏聞  
三界四府列詞 吾同保奏天庭  
北府消除罪籍 南司注上生名

現存獲福無量 九元七祖超昇  
上號金科玉律 下曰勸世戒文  
更有能行正直 不昧陰空鬼神  
不以祭享加福 不以不祭生迺  
有福休誇俊麗 無福休怨神靈  
欲知前世因果 今生受者之身  
欲知後世因果 今生作者之心

人當知時速改

切莫更待因循

吾乃勅示誠語

留傳徃古來今

治世福神寶訓

戒食牛犬肉

真武垂訓曰。夫牛者。上天玄武之精。下土  
太牢之氣。非郊祀不敢用。非天神不敢  
歆。其形上應天星。其力下興地利。有功  
於世。無害於民。殺之者。國有常刑。食之



者冥有罪愆牢字從牛獄字從犬不食  
牛犬牢獄可免太上牢山俱有真形食  
之三日魔鬼攝精戒之一世名上玉清  
牛食百草與人無害人食百物牛犬可  
戒

詩 六畜皆前孽 惟牛最苦辛  
曰 君看橫死者 盡是食牛人

戒食牛肉篇

世間最苦是耕牛 做活出力他當頭  
犁耙繩索千觔重 鼻牽綱繩不自由  
不如人意任口罵 慢走一步步使鞭抽  
地硬土深耕不動 步步點頭汗常流  
風雨之中多受苦 冷熱做活無時休  
棉花糧食收倉後 吃着穿着樂悠悠

人離耕牛難度日 忘他好處反為仇  
一生受盡千般苦 口老那時動奸謀  
牛到老來怕賠本 賣於屠家大磨頭  
開腸破肚苦不苦 剥皮剔骨把筋抽  
殺牛為生心腸狠 驚天動地鬼神愁  
圖財害命傷天理 冤孽實難一筆勾  
只管宰牛下毒手 看你死後變為牛

死後變牛人不見 看你子孫好落頭  
瘟疫瘰疔刀兵劫 戒食牛肉免災憂  
求子求壽求名利 神前誓戒如願酬  
報應昭昭真不爽 清夜自思早回頭  
但願世人惜牛苦 再別宰牛別食牛

今將捐印姓氏開列于後

冀州恩關鎮寇文琳 捐錢伍仟文

泊鎮廣達公茶葉店 捐錢伍仟文

冀州南榆林村楊雲路捐錢拾仟文

捐款刻板當印施貳佰本

南宮縣楊龍岡 為本身 祈健壯 印施壹佰本

南宮縣孫書彬 為母親 祈療病 敬施伍拾本

南宮縣牛英學 為父母 祈福壽 敬施伍拾本

棗強縣周貴羣 為母親 祈療病 敬施伍拾本

故邑西街王門劉氏王清濂 敬施壹佰本

甜水舖杜守元敬施 六十本

冀州劉思敬 重印壹佰本

泊鎮廣遠公茶葉店 捐銀伍仟

滿州府榆林村楊雲路捐銀貳仟

捐銀捌佰壹拾

冀州府恩慈 重印壹仟

沽水縣林守天慈 捐銀壹仟

文邑西津王西隆王王慈 捐銀壹仟

